

Headline	Bantu Muslim sedunia		
MediaTitle	Harian Metro		
Date	23 Nov 2011	Color	Full Color
Section	Setempat	Circulation	324,097
Page No	25	Readership	1,981,000
Language	Malay	ArticleSize	247 cm ²
Journalist	Rosyahaida Abdullah	AdValue	RM 7,103
Frequency	Daily	PR Value	RM 21,309



Malaysia cadang wujud WZO

Bantu Muslim sedunia

>>Oleh Rosyahaida Abdullah
rosyahaida@hmetro.com.my

KUALA LUMPUR: Kerajaan merangka pelan untuk mewujudkan Pertubuhan Zakat Sedunia (WZO) dalam usaha membantu negara luar yang ditimpa bencana mahupun peperangan dan memerlukan bantuan.

Menteri di Jabatan Perdana Menteri, Datuk Seri Jamil Khir Baharom, berkata Jabatan Wakaf, Zakat dan Haji (Jawhar) sudah dipertanggungjawabkan untuk merealisasikan rancangan itu sekali gus menjadi agensi di Malaysia yang mengendalikan pertubuhan terbabit sekiranya ia berjaya ditubuhkan.

Menurutnya, setakat ini, 18 negara sudah menyatakan hasrat menjadi ahli namun beliau masih menunggu pihak yang berminat menjadi penyumbang.

“Bencana yang melanda negara Islam kebelakangan ini tidak sepatutnya hanya dibebankan kepada Pertubuhan Bangsa-Bangsa Bersatu (PBB) semata-mata sebaliknya umat Islam dari seluruh dunia perlu juga ambil bahagian.

“Usaha ke arah ini memerlukan dana daripada umat Islam seluruh dunia terutama bank Islam dunia yang berkemampuan dan mungkin berhasrat menyalurkan sumbangan namun tidak dapat menyampaikannya kepada

kelompok sepatutnya,” katanya pada sidang media Majlis Perasmian Persidangan Zakat Universiti Sedunia Kali Pertama (WU1ZC) di Pusat Dagangan Dunia Putra di sini, semalam.

Hadir sama Timbalan Menteri di Jabatan Perdana Menteri, Datuk Dr Mashitah Ibrahim, Ketua Pengarah JAWHAR, Datuk Anan Mohd dan Timbalan Naib Canselor Hal Ehwal Pelajar dan Alumni Universiti Teknologi Mara (UiTM), Prof Datuk Dr Abdullah Mohd Said.

Sementara itu, penganjuran persidangan terbabit yang disertai lebih 100 wakil badan zakat seluruh negara bertujuan mencari idea baru dan inovasi berhubung isu berkaitan zakat

sama ada membabitkan pungutan mahupun penyimpanan termasuklah cara pembahagian zakat.



SALAM...Jamil Khir hadir pada persidangan WU1ZC diiringi Dr Mashitah.